

Zeitschrift: Annalas da la Societad Retorumantscha
Herausgeber: Societad Retorumantscha
Band: 81 (1968)

Artikel: Il cussegl
Autor: [s.n.]
DOI: <https://doi.org/10.5169/seals-228382>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.02.2026

ETH-Bibliothek Zürich, E-Periodica, <https://www.e-periodica.ch>

Il cussegl

Il cussegl dalla LR ei staus convocaus 3 gadas. La tractanda principala che ha occupau el en tuttas 3 sesidas ei stada la discussiun davart l'istanza alla Confederaziun ed al Cantun ed en quei connex era il program d'acziun pil decenni 1969/78. La basa ha la suprastanza purschiu cun in «Pro memoria» suttamess gia ils 30 da settember 1966. Sin fundament da quel han las societads affiliadas cun sedia el Grischun presentau lur propostas. Ella sesida dils 26 d'october 1967 ein ton l'istanza sco era la clav per la repartiziun interna dils eventuels subsidis augmentai vegnidas acceptadas unanimamein.

Cun brev dils 7 da december 1967 ha signur cusseglier federal dr. Tschudi confirmau la retschevida da nossa istanza ed el medem temps communicau ch'ins seigi gia semess en contact cul ludeivel Cussegl pign. Il plan da termins a Berna preveda da preparar il messadi per la sessiun dalla Assemblea federala dil mars, perche las cumissiuns predeliberontas sappien lu vegnir elegidas. Il cussegl che ha la prioritad duess tractar l'istanza il zercladur e l'auter il settember. Aschia fuss ei pusseivel ch'era nossas autoritads cantunalas savessen aunc uonn prender posiziun definitiva en caussa.

La suprastanza

Las 7 sesidas dalla suprastanza ein stadas tgembladas da tractandas. Igl accent principal ha secapescha l'istanza a Berna dau ed il complex da damondas cumbinaus cun quella. Dasperas ein l'ediziun dils vocabularis dil Grischun central e la reediziun dils dus vocabularis tudestg-romontschs per la Giadina e la Surselva vegnidas discutadas e studegiadas repetidamein.

Buca pauc panzieris fa la situaziun finanzala dalla Ligia Romontscha e da sias uniuns affiliadas. Quei ton pli ch'igl ei indispensabel d'intensificar las acziuns sin differentes camps. Speciala atenziun ei vegnida attribuida al problem da procurar adequata lectura romontscha ad affons e giuvenils. L'istanza fatga al comite per la Fiasta federala preveda respectabels mieds per quei intent. Schegie che las vestas paran bunas, fuss ei aunc prematurau da quintar definitivamein cun quellas entradas. Tonaton ein las necessarias preparativas vegnidas instradadas.